

# Samþykkt fyrir ungmennaráð í Vestmannaeyjum

## 1. gr Stofnun og tilgangur

Ungmennaráð Vestmannaeyja er stofnað á grundvelli æskulýðslaga nr. 70/2007 en þar kemur fram að sveitarstjórnir skulu hlutast til um að stofnað séu ungmennaráð. Hlutverk ungmennaráðs er m.a. að vera sveitarstjórnnum til ráðgjafar um málefni ungs fólks í viðkomandi sveitarfélagi.

Tilgangur ungmennaráðs er annars vegar að veita ungmennum fræðslu og þjálfun í lýðræðislegum vinnubrögðum og hins vegar að skapa vettvang og leiðir til þess að gera ungmennum kleift að koma hugmyndum og skoðunum sínum á framfæri m.a. við kjörna fulltrúa sveitarfélagsins.

## 2. gr Hlutverk

Hlutverk ungmennaráðs er að vera vettvangur ungmenna til að hafa áhrif á næsta umhverfi sitt. Sem dæmi um starfsemi ungmennaráðs má nefna:

- Ungmennaráð skal eins og kostur er hafa frumkvæði að umfjöllun mála.
- Ungmennaráð getur komið með ábendingar um öll málefni sveitarfélagsins.
- Ungmennaráð beitir sér fyrir bættri þjónustu við börn og ungmenni.
- Ungmennaráð hefur eftirlit með, eins og við á, að stofnanir og þjónusta sveitarfélagsins vinni með hagsmuni ungs fólks að leiðarljósi

Nefndir og ráð sveitarfélagsins skulu senda ungmennaráði til umsagnar öll málefni sem snerta ungt fólk sérstaklega og getur fundað með fulltrúum þess ef þurfa þykir.

## 3. gr Skipan í ungmennaráð

Fulltrúar í ungmennaráði geta orðið þeir einstaklingar sem eiga lögheimili í Vestmannaeyjum og eru á aldrinum 13 – 20 ára á árinu.

Við val í ungmennaráð skal jafnrétti kynjanna höfð að leiðarljósi. Í ráðinu skal sitja fimm fulltrúar og tveir til vara og eru þeir skipaðir í eitt ár í senn. Hámark seta hvers og eins fulltrúa er tvö ár. Í ráðinu skulu vera fulltrúar frá nemendaráði Grunnskóla Vestmannaeyja, nemendaráði Framhaldsskóla Vestmannaeyja og þrjú fulltrúar skipaðir af Fjölskyldu- og tómstundaráði.

Fulltrúa í ráðinu skal skipa fyrir 15. september ár hvert.

## 4. gr Fundir

Ungmennaráð fundar a.m.k. þrisvar sinnum á ári og oftar ef þurfa þykir. Ekki er greitt fyrir fundarsetu. Um fundarsköp á fundum ungmennaráðs gilda ákvæði sveitarstjórnarlaga og reglur um

almenna fundarsköp með þeirri undantekningu að ekki er skipað í embætti og bera allir nefndarmenn jafnmikla ábyrgð og skipta þeir fundarstjórn á milli sín. Íþrótta- og tómsfundafulltrúi í samráði við ungmennaráð boðar til fundar með dagskrá. Í dagskrá skal vísað til gagna um þau fundarefni sem til umfjöllunar eru eftir því sem kostur er. Dagskrá skal send til aðal- og varamanna í síðasta lagi tveimur sólarhringum fyrir fund. Hægt er að boða til fundar með styttri fyrirvara með samþykki allra nefndarmanna og skal það bókað í upphafi fundar. Heimilt er að taka mál til meðferðar í ungmennaráði þótt ekki sé það tilgreint í dagskrá. Þó er skylt að fresta afgreiðslu slíks máls ef einhver nefndarmaður óskar þess. Mál skulu tekin til umræðu og afgreidd í þeirri röð sem þau eru á dagskrá nema ungmennaráð ákveði annað. Afl atkvæða ræður úrslitum mála. Íþrótta- og tómsfundafulltrúi sér um að fundargerðir séu færðar í gerðabók og í skjalakerfi sveitarfélagsins og að allir samþykktir séu bókaðar nákvæmlega. Allir nefndarmenn skrifa undir fundargerði lok fundar.

## 5. gr

### Þjónusta Vestmannaeyjabæjar við ungmennaráð

Til að greiða fyrir starfsemi ungmennaráðs beinir Vestmannaeyjabær þeim tilmælum til stofnana sveitarfélagsins að þær veiti ungmennaráði aðstöðu til fundarhalds án endurgjalds.

Fjölskyldu- og tómsfundaráð úthlutar fjármagni til ungmennaráðs í samræmi við fjárhagsramma bæjarstjórnar fyrir hvert fjárhagsár.

Fjölskyldu- og fræðsluvið hefur fræðsluskyldu gagnvart fulltrúum í ungmennaráði og mun íþrótta- og tómsfundafulltrúi aðstoða ungmennaráðið, aðstoða við upplýsingaöflun ásamt því að birta fundargerðir ráðsins á vefnum.

Fundargerðir ungmennaráðs eru birtar á heimasíðu Vestmannaeyjabæjar. Fundargerðir eru teknar til kynningar á fundum fjölskyldu- og tómsfundaráðs sem og öðrum ráðum sem fara með málefni er fram koma í fundargerðum ungmennaráðs.

## 6. gr

### Samskipti

Fjölskyldu- og tómsfundaráð og framkvæmdastjóri fjölskyldu- og fræðsluviðs eru tengiliðir ungmennaráðs við sveitarfélagið.

Einu sinni á ári boðar bæjarstjórn ungmennaráð til fundar þar sem ungmennaráð getur komið sínum áherslum á framfæri.

Einu sinni á ári boðar fjölskyldu- og tómsfundaráð ungmennaráð til fundar þar sem farið er yfir störf þess, hlutverk þeirra og framtíðarsýn.

Ungmennaráð kemur erindum sínum á framfæri við bæjarstjórn eða stjórnslu bæjarins með formlegum hætti þ.e. með bréfi eða tölvupósti. Vestmannaeyjabær ber að svara erindum með bréfi eða tölvupósti.

*Samþykkt á 234. fundu fjölskyldu- og tómsfundaráðs Vestmannaeyja 23. september 2019*

*Staðfest á 1551. fundi bæjarstjórnar Vestmannaeyja 26. september 2019*